







鄙智則樗里

甘茂者，下蔡人也。事下蔡史舉先生，學百家之說。因張儀，樗里子而求見秦惠王。王見而說之，使將而佐魏章，畧定漢中地。惠王卒，武王立，張儀、魏章去，東之魏。蜀侯輝相，壯反秦，使甘茂定蜀還，而以甘茂爲左丞相，以樗里子爲右丞相。秦武王三年，謂甘茂曰：寡人欲容車通三川，以窺周室，而寡人死，不朽矣。甘茂曰：請之魏，約以伐韓，而令向壽輔行。甘茂至，謂向壽

昭之

息壤事特奇

文奇亦稱

引喻

曰子歸言之於王曰魏聽臣矣然願王勿伐事成盡
○急○甚○
以爲子功向壽歸以告王王迎甘茂於息壤甘茂至
王問其故對曰宜陽大縣也上黨南陽積之久矣名
曰縣其實氐也今王倍數險行千里攻之難昔曾參
之處費魯人有與曾參同姓名者殺人人告其母曰
曾參殺人其母織自若也頃之一人又告之曰曾參
殺人其母尚織自若也頃又一人告之曰曾參殺人
其母投杼下機踰牆而走夫以曾參之賢與其母信

痛快

又引

之也。三人疑之。其母懼焉。今臣之賢不若曾參王之信臣。又不如曾參之母信曾參也。疑臣者非特三人。臣恐大王之投杼也。始張儀西并巴蜀之地。北開西河之外。南取上庸。天下不以多張子。而以賢先王。魏文侯令樂羊將而攻中山。三年而拔之。樂羊返而論功。文侯示之謗書一篋。樂羊再拜稽首曰。此非臣之功也。主君之力也。今臣羈旅之臣也。樗里子、公孫奭二人者。挾韓而議之。王必聽之。是王欺魏王。而臣受

公仲侈之怨也。王曰：寡人不聽也。請與子盟。卒使丞相甘茂將兵伐宜陽。五月而不拔。樗里子、公孫奭果爭之。武王召甘茂欲罷兵。甘茂曰：息壤在彼。王曰：有之。因大悉起兵，使甘茂擊之，斬首六萬，遂拔宜陽。韓襄王使公仲侈入謝，與秦平。武王竟至周而卒於周。其弟立爲昭王。王母宣太后，楚女也。楚懷王怨前秦敗楚於丹陽而韓不救，乃以兵圍韓雍氏。韓使公仲侈告急於秦。秦昭王新立，太后楚人，不肯救。公仲因

有誤字

甘茂茂爲韓言於秦昭王曰公仲方有得秦救故敢
扞楚也今雍氏圍秦師不下轂公仲且仰首而不朝
公叔且以國南合於楚定韓爲一魏氏不敢不聽然
則伐秦之形成矣不識坐而待伐孰與伐人之利秦
王曰善乃下師於轂以救韓楚兵去秦使向壽平宜
陽而使樗里子甘茂伐魏皮氏向壽者宣太后外族
也而與昭王少相長故任用向壽如楚楚聞秦之貴
向壽而厚事向壽向壽爲秦守宜陽將以伐韓韓公

仲使蘇代謂向壽曰禽困覆車公破韓辱公仲公仲
收國復事秦自以爲必可以封今公與楚解口地封
小令尹以杜陽秦楚合復攻韓韓必亡韓亡公仲且
躬率其私徒以闕於秦願公孰慮之也向壽曰吾合
秦楚非以當韓也子爲壽謁之公仲曰秦韓之交可
合也蘇代對曰願有謁於公人曰貴其所以貴者貴
王之愛習公也不如公孫奭其智能公也不如甘茂
今二人者皆不得親於秦事而公獨與王主斷於國

者何彼有以失之也。公孫奭黨於韓而甘茂黨於魏。故王不信也。今秦楚爭彊而公黨於楚。是與公孫奭甘茂同道也。公何以異之。人皆言楚之善變也。而公必亾之。是自爲責也。公不如與王謀其變也。善韓以備楚。如此則無患矣。韓氏必先以國從公孫奭而後委國於甘茂。韓公之讐也。今公言善韓以備楚。是外舉不辟讐也。向壽曰。然吾甚欲韓合。對曰。甘茂許公仲以武遂。反宜陽之民。今公徒收之。甚難。向壽曰。然

無謂

則奈何。武遂終不可得也。對曰：公奚不以秦爲韓求
潁川於楚。此韓之寄地也。公求而得之，是令行於楚，
而以其地德韓也。公求而不得，是韓楚之怨不解，而
交走秦也。秦楚爭疆，而公徐過楚以收韓，此利於秦。
向壽曰：奈何。對曰：此善事也。甘茂欲以魏取齊，公孫
奭欲以韓取齊。今公取宜陽以爲功，收楚韓以安之，
而誅齊魏之罪，是以公孫奭甘茂無事也。甘茂竟言
秦昭王以武遂復歸之韓，向壽公孫奭爭之，不能得。

向壽公孫奭由此怨讒甘茂茂懼輟伐魏蒲阪亡去
樗里子與魏講罷兵甘茂之亡秦奔齊逢蘇代代爲
齊使於秦甘茂曰臣得罪於秦懼而遯逃無所容跡
臣聞貧人女與富人女會績貧人女曰我無以買燭
而子之燭光幸有餘子可分我餘光無損子明而得
一斯便焉今臣困而君方便使秦而當路矣茂之妻子
在焉願君以餘光振之蘇代許諾遂致使於秦已因
說秦王曰甘茂非常士也其居於秦累世重矣自殷

不疑
着二語使王

塞及至鬼谷其地形險易皆明知之彼以齊約韓魏
反以圖秦非秦之利也秦王曰然則柰何蘇代曰王
不若重其贄厚其祿以迎之使彼來則置之鬼谷終
身勿出秦王曰善卽賜之上卿以相印迎之於齊甘
茂不往蘇代謂齊湣王曰夫甘茂賢人也今秦賜之
相宜
上卿以相印迎之甘茂德王之賜好爲王臣故辭而
不往今王何以禮之齊王曰善卽位之上卿而處之
秦因復甘茂之家以市於齊齊使甘茂於楚楚懷王

新與秦合婚而驪而秦聞甘茂在楚使人謂楚王曰
願送甘茂於秦楚王問於范雎曰寡人欲置相於秦
孰可對曰臣不足以識之楚王曰寡人欲相甘茂可
乎對曰不可夫史舉下蔡之監門也尤不爲事君小
不爲家室以苟賤不廉聞於世甘茂事之順焉故惠
王之明武王之察張儀之辯而甘茂事之取十官而
無罪茂誠賢者也然不可相於秦夫秦之有賢相非
楚國之利也且王前嘗用召滑於越而內行章義之

難越國亂故楚南塞厲門而麗江東計王之功所以
能如此者越國亂而楚治也今王知用諸越而忘用
諸秦臣以王爲鉅過矣然則王若欲置相於秦則莫
若向壽者可夫向壽之於秦王親也少與之同衣長
與之同車以聽事王必相向壽於秦則楚國之利也
於是使使請秦相向壽於秦秦卒相向壽而甘茂竟
不得復入秦卒於魏甘茂有孫曰甘羅

甘羅者甘茂孫也茂旣死後甘羅年十二事秦相文

通篇骨脉羅
終

信侯呂不韋、秦始皇帝使剛成君蔡澤於燕。三年而燕王喜使太子丹入質於秦。秦使張唐往相燕，欲與燕共伐趙，以廣河間之地。張唐謂文信侯曰：「臣嘗爲秦昭王伐趙，趙怨臣，曰：『得唐者與百里之地。』今之燕，必經趙，臣不可以行。」文信侯不快，未有以彊也。甘羅曰：「君侯何不快之甚也？」文信侯曰：「吾令剛成君蔡澤事燕三年，燕太子丹已入質矣，吾自請張卿相燕而不肯行。」甘羅曰：「臣請行之。」文信侯叱曰：「去！我身自請。」

文信侯專事
中曲折難盡
急此語猛喝

之而不肯，汝焉能行之？甘羅曰：夫項橐，生七歲爲孔子師。今臣生十二歲於茲矣，君其試臣，何遽叱乎？於是甘羅見張卿曰：卿之功，孰與武安君？卿曰：武安君南挫彊楚，北威燕趙，戰勝攻取，破城墮邑，不知其數。臣之功不如也。甘羅曰：應侯之用於秦也，孰與文信侯專？張卿曰：應侯不如文信侯專。甘羅曰：卿明知其不如文信侯專，與曰知之。甘羅曰：應侯欲攻趙，武安君難之，去咸陽七里而立死於杜郵。今文信侯自請

卿相燕而不肯行，臣不知卿所死處矣。張唐曰：請因孺子行。令裝治行，行有日。甘羅謂文信侯曰：借臣車五乘，請爲張唐先報趙。文信侯乃入言之於始皇曰：昔甘茂之孫甘羅，年少耳，然名家之子孫，諸侯皆聞之。今者張唐欲稱疾不肯行，甘羅說而行之，今願先報趙，請許遣之。始皇召見，使甘羅於趙。趙襄王郊迎甘羅。甘羅說趙王曰：王聞燕太子丹入質秦歟？曰：聞之。曰：聞張唐相燕歟？曰：聞之。燕太子丹入秦者，燕不

欺秦也。張唐相燕者，秦不欺燕也。燕秦不相欺者，伐趙危矣。燕秦不相欺，無異故，欲攻趙而廣河間，王不如齊臣五城以廣河間，請歸燕太子，與彊趙攻弱燕。趙王立自割五城以廣河間，秦歸燕太子，趙攻燕得上谷三十城，令秦有十一。甘羅還報秦，乃封甘羅以爲上卿，復以始甘茂田宅賜之。

太史公曰：樗里子以骨肉重，固其理，而秦人稱其智，故頗采焉。甘茂起下蔡閭閻，顯名諸侯，重彊齊楚，甘

羅年少然出一奇計聲稱後世雖非篤行之君子然
亦戰國之策士也方秦之彊時天下尤趨謀詐哉

卷一

新



穰侯列傳

穰侯魏冉者秦昭王母宣太后弟也其先楚人姓芊氏秦武王卒無子立其弟爲昭王昭王母故號爲芊八子及昭王卽位芊八子號爲宣太后宣太后非武王母武王母號曰惠文后先武王死宣太后二弟其異父長弟曰穰侯姓魏氏名冉同父弟曰芊戎爲華陽君而昭王同母弟曰高陵君涇陽君而魏冉最賢自惠王武王時任職用事武王卒諸弟爭立唯魏冉

力爲能立昭王。昭王卽位，以冉爲將軍，衛咸陽，誅季君之亂，而逐武王后，出之魏。昭王諸兄弟不善者皆滅之，威振秦國。昭王少，宣太后自治，任魏冉爲政。昭王七年，樗里子死，而使涇陽君質於齊。趙人樓緩來相秦，趙不利，乃使仇液之秦，請以魏冉爲秦相，仇液將行。其客宋公謂液曰：「秦不聽公，樓緩必怨公，公不若謂樓緩曰：『請爲公毋急秦。』」秦王見趙請相魏冉之不急，且不聽公。公言而事不成，以德樓子事成。魏冉

故德公矣。於是仇液從之。而秦果免樓緩。而魏冉相秦。欲誅呂禮。禮出奔齊。昭王十四年。魏冉舉白起。使代向壽將。而攻韓魏。敗之伊闕。斬首二十四萬。虜魏將公孫喜。明年。又取楚之宛葉。魏冉謝病。免相。以客卿壽燭爲相。其明年。燭免。復相冉。乃封魏冉於穰。復益封陶。號曰穰侯。穰侯封四歲。爲秦將攻魏。魏獻河東方四百里。拔魏之河內。取城大小六十餘。昭王十九年。秦稱西帝。齊稱東帝。月餘。呂禮來而齊秦各復

歸帝爲王，魏冉復相秦，六歲而免。免二歲，復相秦。四歲而使白起拔楚之郢，秦置南郡，乃封白起爲武安君。白起者，穰侯之所任舉也，相善。於是穰侯之富，富於王室。昭王三十二年，穰侯爲相國，將兵攻魏，走芒卯，入北宅，遂圍大梁。梁大夫須賈說穰侯曰：「臣聞魏之長吏謂魏王曰：『昔梁惠王伐趙，戰勝三梁，拔邯鄲，趙氏不割而邯鄲復歸。齊人攻衛，拔故國，殺子良，衛人不割而故地復反。』衛趙之所以國全，兵勁而地不

以魏畫難秦

弁於諸侯者以其能忍難而重出地也。宋中山數伐，割地而國隨以亾。臣以爲衛趙可法，而宋中山可爲

無逼

戒也。秦貪戾之國也，而母親蠶食魏氏，又盡晉國，戰勝暴子，割八縣地，未畢入兵，復出矣。夫秦何厭之有哉！今又走芒卯入北宅，此非敢攻梁也。且劫王以求多割地，王必勿聽也。今王背楚趙而講秦，楚趙怒而去王，與王爭事秦，秦必受之。秦挾楚趙之兵以復攻梁，則國求無亾，不可得也。願王之必無講也。王若欲

又以秦畫自
難

講少割而有質不然必見欺此臣之所問於魏也願
君王之以是慮事也周書曰惟命不于常此言幸之
不可數也夫戰勝暴子割八縣此非兵力之精也又
非計之工也天幸爲多矣今又走芒卯入北宅以攻
大梁是以天幸自爲常也智者不然臣聞魏氏悉其
百縣勝甲以上戍大梁臣以爲不下三十萬以三十
萬之衆守梁七仞之城臣以爲湯武復生不易攻也
夫輕背楚趙之兵陵七仞之城戰三十萬之衆而志

少割亦割也
爲秦未必非
計爲魏危矣

必舉之臣以爲自天地始分以至于今未嘗有者也。攻而不拔秦兵必罷陶邑必亡則前功必棄矣。今魏氏方疑可以少割收也願君逮楚趙之兵未至於梁亟以少割收魏魏方疑而得以少割爲利必欲之則君得所欲矣。楚趙怒於魏之先已也必爭事秦從以此散而君後擇焉且君之得地豈必以兵哉。割晉國秦兵不攻而魏必效絳安邑又爲陶開兩道幾盡故宋衛必效單父秦兵可全而君制之何索而不得何

臣竊必之弊
邑之王句

爲而不成。願君熟慮之。而無行危。穰侯曰。善。乃罷梁
圍。明年。魏背秦。與齊從親。秦使穰侯伐魏。斬首四萬。
走魏將暴鳶。得魏三縣。穰侯益封。明年。穰侯與白起
客卿胡陽。復攻趙韓魏。破芒卯於華陽。下斬首十萬。
取魏之卷蔡陽長社。趙氏觀津。且與趙觀津。益趙以
兵。伐齊。齊襄王懼。使蘇代爲齊。陰遺穰侯書曰。臣聞
往來者言曰。秦將益趙甲四萬。以伐齊。臣竊必之弊。
邑之王曰。秦王明而熟於計。穰侯智而習於事。必不

益趙甲四萬以伐齊是何也夫三晉之相與也秦之
深讐也百相背也百相欺也不爲不信不爲無行今
破齊以肥趙趙秦之深讐不利於秦此一也秦之謀
者必曰破齊弊晉楚而後制晉楚之勝夫齊罷國也
以天下攻齊如以千鈞之弩決潰癰也必死安能弊
晉楚此二也秦少出兵則晉楚不信也多出兵則晉
楚爲制於秦齊恐不走秦必走晉楚此三也秦割齊
以啖晉楚晉楚案之以兵秦反受敵此四也是晉楚

袁哉戰國末

半說萬謀裁

得秦聽少割

也而以爲功

悲大

以秦謀齊以齊謀秦也何晉楚之智而秦齊之愚此
五也故得安邑以善事之亦必無患矣秦有安邑韓
氏必無上黨矣取天下之腸胃與出兵而懼其不反
也孰利臣故曰秦王明而熟於計穰侯智而習於事
必不益趙甲四萬以伐齊矣於是穰侯不行引兵而
歸昭王三十六年相國穰侯言客卿竈欲伐齊取剛
壽以廣其陶邑於是魏人范雎自謂張祿先生譏穰
侯之伐齊乃越三晉以攻齊也以此時奸說秦昭王

昭王於是月范雎范雎言宣太后專制穰侯擅權於
諸侯涇陽後君之屬太侈富於王室於是秦王
悟乃免相國涇陽之屬皆出關就封邑穰侯出關
輜車千乘有餘穰侯卒於陶而因葬焉秦復收陶爲
郿

太史公曰穰侯昭王親舅也而秦所以東益地弱諸
侯嘗稱帝於天下天下皆西鄉稽首者穰侯之功也
及其貴極富溢一夫開說身折勢奪而以憂死況於

霸旅之臣乎。

白起王翦列傳

白起者，鄢人也。善用兵。事秦昭王。昭王十三年，而白起爲左庶長，將而擊韓之新城。是歲，穰侯相秦，舉任鄙以爲漢中守。其明年，白起爲左更，攻韓魏於伊闕，斬首二十四萬，又虜其將公孫喜，拔五城，起遷爲國尉。涉河取韓安邑以東，到乾河。明年，白起爲大良造，攻魏，拔之，取城小大六十一。明年，起與客卿錯攻垣城，拔之。後五年，白起攻趙，拔光狼城。後七年，白起攻

楚拔鄢鄧五城其明年攻楚拔郢燒夷陵遂東至竟陵楚王亡去郢東走徙陳秦以郢爲南都白起遷爲武安君武安君因取楚定巫黔中都昭王三十四年白起攻魏拔華陽走芒卯而虜三晉將斬首十三萬與趙將賈偃戰沉其卒二萬人於河中昭王四十三年白起攻韓陘城拔五城斬首五萬四十四年白起攻南陽太行道絕之四十五年伐韓之野王野王降秦上黨道絕其守馮亭與民謀曰鄭道已絕韓必不

可得爲民、秦兵日進、韓不能應、不如以上黨歸趙、趙若受我、秦怒、必攻趙、趙被兵、必親韓、韓趙爲一、則可以當秦、因使人報趙、趙孝成王與平陽君平原君計之、平陽君曰、不如勿受、受之、禍大於所得、平原君曰、無故得一罷、受之便、趙受之、因封馮亭爲華陽君、四十六年、秦攻韓、緱氏、蘭、拔之、四十七年、秦使左庶長王齕攻韓、取上黨、上黨民走趙、趙軍長平、以按據上黨民、四月、齕因攻趙、趙使廉頗將趙軍士卒、犯秦斥

兵秦斥兵斬趙裨將茄六月陷趙軍取二鄣四尉七月趙軍築壘壁而守之秦又攻其壘取二尉敗其陣奪西壘壁廉頗堅壁以待秦秦數挑戰趙兵不出趙王數以爲讓而秦相應侯又使人行千金於趙爲反間曰秦之所惡獨畏馬服子趙括將耳廉頗易與且降矣趙王旣怒廉頗軍多失亡軍數敗又反堅壁不敢戰而又聞秦反間之言因使趙括代廉頗將以擊秦秦聞馬服子將乃陰使武安君白起爲上將軍而

王齕爲尉裨將、令軍中有敢泄武安君將者、斬。趙括至、則出兵擊秦軍。秦軍詳敗而走。張二奇兵以劫之。趙軍逐勝、追造秦壁。壁堅、拒不得入。而秦奇兵二萬五千人絕趙軍後。又一軍五千騎絕趙壁間。趙軍分而爲二。糧道絕。而秦出輕兵擊之。趙戰不利。因築壁堅守。以待救至。秦王聞趙食道絕、王自之河內、賜民爵各一級。發年十五以上、悉詣長平、遮絕趙救及糧食。至九月、趙卒不得食四十六日、皆內陰相殺食。來

攻秦壘，欲出爲四隊，四五復之不能出。其將軍趙括出銳卒自搏戰，秦軍射殺趙括。括軍敗，卒四十萬人降武安君。武安君計曰：「前秦已拔上黨，上黨民不樂爲秦而歸趙。趙卒反覆，非盡殺之，恐爲亂。」乃挾詐而盡坑殺之，遺其小者二百四十人歸趙。前後斬首虜四十五萬人。趙人大震。四十八年十月，秦復定上黨，毘秦分軍爲二。王齕攻皮牢，拔之。司馬梗定太原，韓趙恐，使蘇代厚幣說秦相應。侯曰：「武安君擒馬服子。」

乎曰、然又曰、卽圍邯鄲乎、曰、然、趙亡則秦王王矣、武
安君爲三公、武安君所爲秦戰勝攻取者七十餘城、
南定鄢郢、漢中、北擒趙括之軍、雖周邵呂望之功、不
益於此矣、今趙亡、秦王王、則武安君必爲三公、君能
爲之下乎、雖無欲爲之下、固不得已矣、秦嘗攻韓、圍
邢丘、困上黨、上黨之民皆反爲趙、天下不樂爲秦民
之日久矣、今亡趙、北地入燕、東地入齊、南地入韓、魏
則君之所得民、亡幾何人、故不如因而割之、無以爲

武○安○君○功○也○。於○是○應○侯○言○於○秦○王○曰○。秦○兵○勞○。請○許○韓○趙○之○割○地○以○和○。且○休○士○卒○。王○聽○之○。割○韓○垣○雍○趙○六○城○以○和○。正○月○皆○罷○兵○。武○安○君○聞○之○。由○是○與○應○侯○有○隙○。其○九○月○。秦○復○發○兵○。使○五○大○夫○王○陵○攻○趙○邯○鄲○。是○時○武○安○君○病○。不○任○行○。四○十○九○年○正○月○。陵○攻○邯○鄲○。少○利○。秦○益○發○兵○。佐○陵○。陵○兵○亾○五○校○。武○安○君○病○愈○。秦○王○欲○使○武○安○君○代○陵○將○。武○安○君○言○曰○。邯○鄲○實○未○易○攻○也○。且○諸○侯○救○日○至○。彼○諸○侯○怨○秦○之○日○从○矣○。今○秦○雖○破○長○平○軍○。而○秦○卒○

死者過半、國內空、遠絕河山而爭人國都、趙應其內、
諸侯攻其外、破秦兵必矣、不可、秦王自命、不行、乃使
應侯請之、武安君終辭不肯行、遂稱病、秦王使王齕
代陵將、八九月圍邯鄲、不能拔、楚使春申君及魏公
子將兵數十萬攻秦軍、秦軍多失亡、武安君言曰、秦
不聽臣計、今如何矣、秦王聞之怒、彊起武安君、武安
君遂稱病篤、應侯請之不起、於是免武安君爲士伍、
遷之陰密、武安君病未能行、居三月、諸侯攻秦軍急、

秦軍數却，使者日至。秦王乃使人遣白起，不得留咸陽中。武安君既行，出咸陽西門十里，至杜郵。秦昭王與應侯羣臣議曰：「白起之遷，其意尚怏怏，不服，有餘言。」秦王乃使使者賜之劍，自殺。武安君引劍將自剄，曰：「我何罪于天而至此哉？」良久曰：「我固當死。」長平之戰，趙卒降者數十萬人，我詐而盡阬之，是足以死，遂自殺。武安君之死也，以秦昭王五十年十一月死，而非其罪。秦人憐之，鄉邑皆祭祀焉。

綱

王翦者，頻陽東鄉人也，少而好兵，事秦始皇。始皇十一年，翦將攻趙閼與，破之，拔九城。十八年，翦將攻趙歲餘，遂拔趙，趙王降，盡定趙地爲郡。明年，燕使荊軻爲賊於秦，秦王使王翦攻燕，燕王喜走遼東。翦遂定燕薊而還。秦使翦子王賁擊荊，荊兵敗還，擊魏，魏王降，遂定魏地。秦始皇既滅三晉，走燕王，而數破荊師，秦將李信者，年少壯勇，嘗以兵數千，逐燕太子丹至於衍水中，卒破得丹。始皇以爲賢勇，於是始皇問李

李信用朝氣
故易折

信、吾、欲、攻、取、荆、於、將、軍、度、用、幾、何、人、而、足、李、信、曰、不、
過、用、二、十、萬、人、始、皇、問、王、翦、王、翦、曰、非、六、十、萬、人、不、
可、始、皇、曰、王、將、軍、老、矣、何、怯、也、李、將、軍、果、勢、壯、勇、其、
言、是、也、遂、使、李、信、及、蒙、恬、將、二、十、萬、南、伐、荆、王、翦、言、
不、用、因、謝、病、歸、老、於、頻、陽、李、信、攻、平、與、蒙、恬、攻、寢、大、
破、荆、軍、信、又、攻、鄢、郢、破、之、於、是、引、兵、而、西、與、蒙、恬、會、
城、父、荆、人、因、隨、之、三、日、三、夜、不、頓、舍、大、破、李、信、軍、入、
兩、壁、殺、七、都、尉、秦、軍、走、始、皇、聞、之、大、怒、自、馳、如、頻、陽、

見謝王翦曰寡人以不用將軍計李信果辱秦軍今
聞荆兵日進而西將軍雖病獨忍棄寡人乎王翦謝
曰老臣罷病悖亂唯大王更擇賢將始皇謝曰已矣
將軍勿復言王翦曰大王必不得已用臣非六十萬
人不可始皇曰爲聽將軍計耳於是王翦將兵六十
萬人始皇自送至灞上王翦行請美田宅園池甚衆
始皇曰將軍行矣何憂貧乎王翦曰爲大王將有功
終不得封侯故及大王之嚮臣臣亦及時以請園池

避朝氣

爲子孫業耳。始皇大笑。王翦旣至關，使使還，請善田者五輩。或曰：將軍之乞貸亦已甚矣。王翦曰：不然。夫秦王愠而不信人，今空秦國甲士而專委於我，我不多請田宅，爲子孫業，以自堅。顧令秦王坐而疑我邪？王翦果代李信擊荊。荊聞王翦益軍而來，乃悉國中兵以拒秦。王翦至，堅壁而守之，不肯戰。荊兵數出挑戰，終不出。王翦日休士洗沐，而善飲食撫循之，親與士卒同食。久之，王翦使人問軍中戲乎？對曰：方投石。

戰勝之畧不
聞

擊情歸

世嘗謂秦法
嚴然將將視
將盡其材李
信軍破敗不
誅又使定燕
序

超距於是王翦曰士卒可用矣荆數挑戰而秦不出
乃引而東翦因舉兵追之令壯士擊大破荆軍至蘄
南殺其將軍項燕荆兵遂敗走秦因乘勝畧定荆地
城邑歲餘虜荆王負芻竟平荆地爲郢縣因南征百
越之君而王翦子王賁與李信破定燕齊地秦始皇
二十六年盡并天下王氏蒙氏功爲多名施於後世
秦二世之時王翦及其子賁皆已死而又滅蒙氏陳
勝之反秦秦使王翦之孫王離擊趙圍趙王及張耳

論不救妙

鉅鹿城或曰王離秦之名將也今將彊秦之兵攻新
造之趙舉之必矣客曰不然夫爲將三世者必敗必
敗者何也以其所殺伐多矣其後受其不祥今王離
已三世將矣居無何項羽救趙擊秦軍果虜王離王
離軍遂降諸侯

太史公曰鄙語云尺有所短寸有所長白起料敵合
變出奇無窮聲震天下然不能救患於應侯王翦爲
秦將夷六國當是時翦爲宿將始皇師之然不能輔

秦建德固其根本，倫合取容，以至刎身。及孫王離爲
項羽所虜，不亦宜乎？彼各有所短也。

李斯列傳

一生富貴欲
根至急有觸
輒動如此然
自處如鼠謂
知所自處得
乎
斯始嘗學帝
王六藝之道
矣而度自處
者莫如入秦
幾富貴不自
託於無爲豈
善之乎自處

李斯者楚上蔡人也年少時爲隄小吏見吏舍廁中
鼠食不潔近人犬數驚恐之斯入倉觀倉中鼠食積
粟居大廡之下不見人犬之憂於是李斯乃歎曰人
之賢不肖譬如鼠矣在所自處耳乃從荀卿學帝王
之術學已成度楚王不足事而六國皆弱無可爲建
功者欲西入秦辭於荀卿曰斯聞得時無怠今萬乘
方爭時游者主事今秦王欲吞天下稱帝而治此布

者哉鼠食不
潔卽蛆甘帶

悲夫

視肉言不能
食

二語儉甚

恐人者人亦
忍之

衣馳驚之時而游說者之秋也處卑賤之位而計不
爲者此禽鹿視肉人面而能彊行者耳故詬莫大於
卑賤而悲莫甚於窮困久處卑賤之位困苦之地非
世而惡利自託於無爲此非士之情也故斯將西說
秦王矣至秦會莊襄王卒李斯乃求爲秦相文信侯
呂不韋舍人不韋賢之任以爲郎李斯因以得說說
秦王曰胥人者去其幾也成大功者在因瑕釁而遂
恐之昔者秦穆公之霸終不東并六國者何也諸侯

所謂瑕豐也

尚衆周德未衰故五霸迭興更尊周室自秦孝公以
來周室卑微諸侯相兼關東爲六國秦之乘勝役諸
侯蓋六世矣今諸侯服秦譬若罷縣夫以秦之彊大
王之賢由竈上騷除足以滅諸侯成帝業爲天下一
統此萬世之一時也今怠而不急就諸侯復彊相聚
約從雖有黃帝之賢不能并也秦王乃拜斯爲長史
聽其計陰遣謀士齎持金玉以游說諸侯諸侯名士
可下以財者厚遺結之不肯者利劍刺之離其君臣

言必稱繆公
孝公

正引長

一篇首

之計，秦王乃使其良將隨其後。秦王拜斯爲客卿。會韓人鄭國來間秦，以作注溉渠，已而覺。秦宗室大臣皆言秦王曰：「諸侯人來事秦者，大抵爲其主游間於秦耳。」請一切逐客。李斯議亦在逐中。斯乃上書曰：「臣聞吏議逐客，竊以爲過矣。昔繆公求士，西取由余於戎，東得百里奚於宛，迎蹇叔於宋，求丕豹、公孫支於晉。此五者，不產於秦，而繆公用之，併國二十，遂霸西戎。孝公用商鞅之法，移風易俗，民以殷盛，國以富彊。」

反短

百姓樂用諸侯親服獲楚魏之師舉地千里至今治
疆惠王用張儀之計拔三川之地西并巴蜀北收上
氐南取漢中包九夷制鄢郢東據成臯之險割膏腴
之壤遂散六國之從使之西面事秦功施到今昭王
得范雎廢穰侯逐華陽彊公室杜私門蠶食諸侯使
秦成帝業此四君者皆以客之功由此觀之客何負
於秦哉向使四君却客而不內疏士而不用是使國
無富利之實而秦無彊大之名也今陛下致昆山之

遠譬正短

不結別翻波
瀾

反長

又瀾翻

玉有隨和之寶、垂明月之珠、服太阿之劍、乘織離之馬、建翠鳳之旗、樹靈鼉之鼓、此數寶者、秦不生一焉、而陛下說之、何也、必秦國之所生、然後可、則是夜光之璧、不飾朝廷、犀象之器、不爲玩好、鄭衛之女、不充後宮、而駿良馱驥、不實外廐、江南金錫、不爲用、西蜀丹青、不爲采、所以飾後宮、充下陳、娛心意、說耳目者、必出於秦、然後可、則是宛珠之簪、傅璣之耳、阿綈之衣、錦繡之飾、不進於前、而隨俗雅化、佳冶窈窕、趙女

又翻

二語結萬鈞
正諫短

格言開說長
真能誦習帝
王之道斯謂

不立於側也。夫擊甕叩瓦，彈箏搏髀而歌呼鳴，快
耳目者，真秦之聲也。鄭衛桑間，昭虞武象者，異國之
樂也。今棄擊甕叩瓦而就鄭衛，退彈箏而取昭虞，若
是者何也？快意當前，適觀而已矣。今取人則不然，不
問可否，不論曲直，非秦者去，爲客者逐。然則是所重
者，在乎色樂珠玉，而所輕者，在乎人民也。此非所以
跨海內，制諸侯之術也。臣聞地廣者粟多，國大者人
衆，兵彊則士勇。是以泰山不讓土壤，故能成其大河。

後人其言爛如

總上

結痛快

海不擇細流。故能就其深。王者不却衆庶。故能明其德。是以地無四方。民無異國。四時充美。鬼神降福。此五帝三王之所以無敵也。今乃棄黔首以資敵國。却賓客以繁諸侯。使天下之士。退而不敢西向。裹足不入秦。此所謂藉寇兵而齎盜糧者也。夫物不產於秦。可寶者多。士不產於秦。而願忠者衆。今逐客以資敵國。損民以益讐。內自虛而外樹怨於諸侯。求國無危。不可得也。秦王乃除逐客之令。復李斯官。卒用其計。

謀官至廷尉二十餘年。竟并天下。尊王爲皇帝。以斯
爲丞相。夷黷縣城。銷其兵。示不復用。使秦無尺土
之封。不立子弟爲王。功臣爲諸侯者。使後無戰攻之
患。始皇三十四年。置酒咸陽宮。博士饌射周青臣等
頌稱始皇威德。齊人淳于越進諫曰。臣聞之殷周之
王。千餘歲。封子弟功臣。自爲支輔。今陛下有海內。而
子弟爲匹夫。卒有田常六卿之患。臣無輔弼。何以相
救哉。事不師古而能長久者。非所聞也。今臣青等又

斯操術至悖
用心至忍真
凶秦者斯也

面諛以重陛下過、非忠臣也。始皇下其議、丞相、丞相
謬其說、絀其辭、乃上書曰、古者天下散亂、莫能相一。
是以諸侯並作、語皆迥古、以害今、飾虛言以亂實、人
害其所私學、以非上所建立。今陛下并有天下、辯白
黑而定一尊、而私學乃相與非法教之制、聞令下、即
各以其私學議之、入則心非、出則巷議、非主以爲名、
異趣以爲高、率羣下以造謗、如此不禁、則主勢降乎、
上黨與成乎、下禁之便、臣請諸有文學詩書百家語、

斯一身至此
時真極反倚
伏之幾不索
遂破直將渠
謂數句寄
千載無窮之

者蠲除去之、令到滿三十日、弗去、黥爲城旦、所不去
者、醫藥、卜筮、種樹之書、若有欲學者、以吏爲師、始皇
可其議、收去詩書百家之語、以愚百姓、使天下無以
古非今、明法度、定律令、皆以始皇起、同文書、治離宮
別館、周徧天下、明年、又廵狩、外攘四夷、斯皆有力焉、
斯長男由爲三川守、諸男皆尚秦公主、女悉嫁秦諸
公子、三川守李由告歸咸陽、李斯置酒於家、百官長
皆前爲壽、門廷車騎以千數、李斯喟然而歎曰、嗟乎、

○五○字○結○

感妙甚妙甚

中庸言驢而
納之吾獲陷
阱之中而莫
知避

大瑕釁分

吾聞之荀卿曰物禁太盛夫斯乃上蔡布衣閭巷之
黔首上不知其驚下遂擢至此當今人臣之位無居
臣上者可謂富貴極矣物極則衰吾未知所稅駕也
始皇三十七年十月行出游會稽並海上北抵琅瑯
丞相斯中車府令趙高兼行符璽令事皆從始皇有
二十餘子長子扶蘇以數直諫上上使監兵上罷蒙
恬爲將少子胡亥愛請從上許之餘子莫從其年七
月始皇帝至沙丘病甚令趙高爲書賜公子扶蘇曰

田脫斯

以兵屬蒙恬、與喪會咸陽而葬、書已封、未授使者、始皇崩、書及璽皆在趙高所、獨子胡亥、丞相李斯、趙高及幸宦者五六人知始皇崩、餘羣臣皆莫知也、李斯以爲上在外崩、無真太子、故秘之、置始皇居輜輶車中、百官奏事上食如故、宦者輒從輜輶車中、可諸奏事、趙高因留所賜扶蘇璽書、而謂公子胡亥曰、上崩、無詔封王諸子、而獨賜長子書、長子至、卽立爲皇帝、而子無尺寸之地、爲之奈何、胡亥曰、固也、吾聞之、明

嗟真利口覆
邦家者

看李斯胡亥
本心未嘗不
明直爲大欲
所蔽不能自
脫可懼可懼

君知臣明父知子父捐命不封諸子何可言者趙高
曰不然方今天下之權存亡在子與高及丞相耳願
子圖之且夫臣人與見臣於人制人與見制於人豈
可同日道哉胡亥曰廢兄而立弟是不義也不奉父
詔而畏死是不孝也能薄而材譾彊因人之功是不
能也三者逆德天下不服身殆傾危社稷不血食高
曰臣聞湯武殺其主天下稱義焉不爲不忠衛君殺
其父而衛國載其德孔子著之不爲不孝夫大行不

弁危幾亦識破

與忠臣感諷
之言一律惻
怛可誦

小謹盛德不辭讓鄉曲各有宜而百官不同功故顧
小而忘大後必有害狐疑猶豫後必有悔斷而敢行
鬼神避之後有成功願子遂之胡亥喟然歎曰今大
行未發喪禮未終豈宜以此事干丞相哉趙高曰時
乎○時○乎○間○不○及○謀○贏○糧○躍○馬○唯○恐○後○時○胡亥既然高
之言高曰不與丞相謀恐事不能成臣請爲子與丞
相謀之高乃謂丞相斯曰上崩賜長子書與喪會咸
陽而立爲嗣書未行今上崩未有知者也所賜長子

便從渠身上
打齧使之動
心

又從秦國故
事上打齧
看來人君真
不可不厲臣

書及符璽皆在胡亥所定太子在君侯與高之口耳
事將何如斯曰安得亡國之言此非人臣所當議也
高曰君侯自料能孰與蒙恬功高孰與蒙恬謀遠不
失孰與蒙恬無怨於天下孰與蒙恬長子舊而信之
孰與蒙恬斯曰此五者皆不及蒙恬而君責之何深
也高曰高固內官之厮役也幸得以刀筆之文進入
秦宮管事二十餘年未嘗見秦免罷丞相功臣有封
及二世者也卒皆以誅亡皇帝二十餘子皆君之所

節秦過臣子
無恩故恐而
不可復

人本心之明
真如皎日高

之言丞相以
爲亡國之言

胡亥以爲危
身亡國之途

法乃卒甘心
焉利口之不

可嚮邇也如
是

如格誓之言
妖哉妖哉

知長子剛毅而武勇信人而奮士即位必用蒙恬爲
丞相君侯終不懷通侯之印歸於鄉里明矣高受詔
教習胡亥使學以法事數年矣未嘗見過失慈仁篤
厚輕財重士辯於心而詘於口盡禮敬士秦之諸子
未有及此者可以爲嗣君計而定之斯曰君其反位
斯奉主之詔聽天之命何慮之可定也高曰安可危
也危可安也安危不定何以貴聖斯曰斯上蔡閭巷
布衣也上幸擢爲丞相封爲通侯子孫皆至尊位重

微言

史記卷九
正
祿者故將以存。亾安危屬臣也。豈可負哉。夫忠臣不
避死而庶幾孝子不勤勞而見危。人臣各守其職而
已矣。君其勿復言。將令斯得罪。高曰。蓋聞聖人遷徙
無常。就變而從。時見末而知本。觀指而覩歸。物固有
之。安得常法哉。方今天下之權命懸於胡亥。高能得
志焉。且夫從外制中。謂之惑。從下制上。謂之賊。故秋
霜降者。草花落水。搖動者。萬物作。此必然之效也。君
何見之晚。斯曰。吾聞晉易太子。三世不安。齊桓兄弟

辭危意迫有
利可歆有害
可怖利口之
深害如此

負心者之情
皆如是可爲
寒心真所謂
流入胸中透
膽寒者

爭位身死爲戮紂殺親戚不聽諫者國爲丘墟遂危
社稷三者逆天宗廟不血食斯其猶人哉安足爲謀
高曰上下合同可以長久中外若一事無表裏君聽
臣之計即長有封侯世世稱孤必有喬松之壽孔墨
之智今釋此而不從禍及子孫足以爲寒心善者因
禍爲福君何處焉斯乃仰天而歎垂淚太息曰嗟乎
獨遭亂世既以不能成安託命哉於是斯乃聽高
高乃報胡亥曰臣請奉太子之明命以報丞相丞相斯

敢不奉令。於是乃相與謀詐爲受始皇詔，丞相立子胡亥爲太子，更爲書賜長子扶蘇曰：「朕巡天下，禱祠名山諸神，以延壽命。今扶蘇與將軍蒙恬將師數十萬以屯邊，十有餘年矣，不能進而前，士卒多耗，無尺寸之功，乃反數上書直言，誹謗我所爲，以不得罷歸爲太子，日夜怨望，扶蘇爲人子，不孝。其賜劍以自裁。」將軍恬與扶蘇居外，不匡正，宜知其謀爲人臣不忠。其賜死以兵屬裨將王離，封其書，以皇帝璽遣胡亥。

可痛可痛所
謂不仁之禍
及其子孫如
是

客奉書賜扶蘇於上。使者至，發書，扶蘇泣入內舍，欲自殺。蒙恬止扶蘇曰：「陛下居外，未立太子，使臣將三十萬衆守邊，公子爲監，此天下重任也。今一使者來，卽自殺。安知其非詐？請復請，復請而後死，未暮也。」使者數趣之，扶蘇爲人仁，謂蒙恬曰：「父而賜子死，尚安復請？」卽自殺。蒙恬不肯死，使者卽以屬吏擊於陽周。使者還報胡亥，斯、高大喜，至咸陽發喪。太子立，爲二世皇帝，以趙高爲郎中令，常侍中用事。二世燕居，

史記內編 卷九
亡國敗家之
主類萌於淫
從心意耳目
之欲是心危
幾

乃召高與謀事、謂曰、夫人生居世間也、譬猶騁六驥
過決隙也、吾既已臨天下矣、欲悉耳目之所好、窮心
志之所樂、以安宗廟而樂萬姓、長有天下、終吾年壽、
其道可乎、高曰、此賢主之所能行也、而昏亂主之所
禁也、臣請言之、不敢避斧鉞之誅、願陛下少留意焉、
夫沙丘之謀、諸公子及大臣皆疑焉、而諸公子盡、帝
兄、大臣又先帝之所置也、今陛下初立、此其屬意怏
怏皆不服、恐爲變、且蒙恬已死、蒙毅將兵居外、臣戰

危之

戰栗栗唯恐不終且陛下安得爲此樂乎二世曰爲之奈何趙高曰嚴法而刻刑令有罪者相坐誅至收族滅大臣而遠骨肉貧者富之賤者貴之盡除去先

收折渾淪無迹

帝之故臣更置陛下之所親信者近之此則陰德歸陛下害除而姦謀塞羣臣莫不被潤澤蒙厚德陛下則高枕肆志寵樂矣計莫出於此二世然高之言乃更爲法律於是羣臣諸公子有罪輒下高令鞠治之殺大臣蒙毅等公子十二人慘死咸陽市十公主殀

音宅

秦政禍烈及
於子孫如此
真可寒心

失其本心者
至於此恐哉
忍哉

死於杜財物入於縣官相連坐者不可勝數公子高
欲奔恐收族乃上書曰先帝無急時臣入則賜食出
則乘輿御府之衣臣得賜之中廐之寶馬臣得賜之
臣當從死而不能爲人子不孝爲人臣不忠不忠者
無名以立於世臣請從死願葬驪山之足唯上幸哀
憐之書上胡亥大說召趙高而示之曰此可謂急乎
趙高曰人臣當憂死而不暇何變之得謀胡亥可其
書賜錢十萬以葬法令誅罰日益刻深羣臣人人自

刑名之流禍
至此

危欲畔者衆、又作阿房之宮、治直馳道、賦歛愈重、戍
徭無已、於是楚戍卒陳勝、吳廣等乃作亂起、
傑俊相立、自置爲侯王、叛秦、兵至鴻門而却、李斯數
欲請間諫、二世不許、而二世責問李斯曰、吾有私議
而有所聞於韓子也、曰、堯之有天下也、堂高三尺、采
椽不斲、茅茨不剪、雖逆旅之宿、不勤於此矣、冬、日鹿
裘、夏、日葛衣、粢糲之食、藜藿之羹、飯土匭、啜土鉶、雖
監門之養、不彀於此矣、禹鑿龍門、通大夏、疏九河、曲

噫彼豈知宗廟懷保子孫休世萬世尊榮孰與以禍終哉

九防決渟水致之海而股無胈脛無毛手足胼胝面目黎黑遂以死于外葬於會稽臣虜之勞不烈於此矣然則夫所貴於有天下者豈欲苦形勞神身處途旅之宿口食監門之養手持臣虜之作哉此不肖人之所勉也非賢者之所務也彼賢人之有天下也專用天下適已而已矣此所以貴於有天下也夫所謂賢人者必能安天下而治萬民今身且不能利將惡能治天下哉故吾願肆志廣欲長享天下而無害爲

極得其情

之奈何。李斯子由爲三川守，羣盜吳廣等西畧地，過去弗能禁。章邯以破逐廣等兵，使者覆案三川相屬，誚讓斯。居三公位，如何令盜如此。李斯恐懼，重爵祿，不知所出，乃阿二世意，欲求容，以書對曰：夫賢主者，必且能全道而行督責之術者也。督責之，則臣不敢不竭能以徇其主矣。此臣主之分定，上下之義明，則天下賢不肖莫敢不盡力竭任以徇其君矣。是故主獨制於天下而無所制也，能窮樂之極矣。賢明之主

狂悖至此與
趙高何異甚
矢喪心之禍
烈也

嗟夫賤物貴
我適已忍人
目生民以來
本獲濟斯欲

也可不察焉故申子曰有天下而不恣睢命之曰以
天下爲桎梏者無他焉不能督責而顧以其身勞於
天下之民若堯禹然故謂之桎梏也夫不能修申韓
之明術行督責之道專以天下自適也而徒務苦形
勞神以身徇百姓則是黔首之役非畜天下者也何
足貴哉夫以人徇己則己貴而人賤以己徇人則己
賤而人貴故徇人者賤而人所徇者貴自古及今未
有不然者也凡古之所爲尊賢者爲其貴也而所爲

者也桀紂用之矣

忍

惡不肖者爲其賤也而堯禹以身殉天下者也因隨而尊之則亦失所爲尊賢之心矣夫可謂大繆矣謂之爲桎梏不亦宜乎不能督責之過也故韓子曰慈母有敗子而嚴家無格虜者何也則能罰之加焉必也故商君之法刑棄灰於道者夫棄灰薄罪也而被刑重罰也彼唯明主爲能深督輕罪夫罪輕且督深而況有重罪乎故民不敢犯也是故韓子曰布帛尋常庸人不釋鑠金百鎰盜跖不搏者非庸人之心重

尋常之利深而盜跖之欲淺也。又不以盜跖之行爲輕百鎰之重也。搏必隨手刑。則盜跖不搏百鎰而罰不必行也。則庸人不釋尋常。是故城高五丈而樓季不輕犯也。泰山之高百仞而跛牾牧其上。夫樓季也而難五丈之限。豈跛牾也而易百仞之高哉。峭壑之勢異也。明主聖王之所以能久處尊位。長執重勢。而獨擅天下之利者。非有異道也。能獨斷而審督責。必深罰。故天下不敢犯也。今不務所以不犯而事慈母。

又翻一段忍

心之言敗國

忘家之言必

至此焉極

不有三者何

以能國

之所以敗子也則亦不察於聖人之論矣夫不能行
聖人之術則舍爲天下役何事哉可不哀邪且夫儉
節仁義之人立於朝則荒肆之樂輟矣諫說論理之
臣間於側則流漫之志詘矣烈士死節之行顯於世
則淫康之虞廢矣故明主能外此三者而獨操主術
以制聽從之臣而修其明法故身尊而勢重也凡賢
主者必將能拂世摩俗而廢其所惡立其所欲故生
則有尊重之勢死則有贊明之謚也是以明君獨斷

以恣睢而獨
行之庸有極
乎

故權不在臣也。然後能滅仁義之塗，掩馳說之口，困
烈士之行，塞聰揜明，內獨視聽。故外不可傾以仁義，
烈士之行而內不可奪以諫說，忿爭之辯，故能犖然
獨行，恣睢之心而莫之敢逆。若此，然後可謂能明申
韓之術，而修商君之法。法修術明，而天下亂者，未之
聞也。故曰：王道約而易操也。唯明主爲能行之。若此，
則謂督責之誠，則臣無邪；臣無邪，則天下安；天下安，
則主嚴尊；主嚴尊，則督責必；督責必，則所求得；所求

要歸在逢君
豐樂哀哉以
萬人之命爲
豐樂也

又各欲逞其
私

得則國家富、國家富則君樂豐、故督責之術設、則所
欲無不得矣、羣臣百姓救過不給、何變之敢圖、若此
則帝道備、而可謂能明君臣之術矣、雖申韓復生、不
能加也、書奏、二世悅、於是行督責、益嚴稅民、深者爲
明吏、二世曰、若此、則可謂能督責矣、刑者相半於道、
而死人日成積於市、殺人衆者爲忠臣、二世曰、若此、
則可謂能督責矣、初趙高爲郎中令、所殺及報私怨、
衆多、恐大臣入朝奏事、毀惡之、乃說二世曰、天子所

敗亡之禍萬
世一律

攬其所短

以貴者但以聞聲羣臣莫得見其面故號曰朕且陛下富於春秋未必盡通諸事今坐朝廷譴舉有不當者則見短於大臣非所以示神明於天下也且陛下深拱禁中與臣及侍中習法者待事事來有以揆之如此則大臣不敢奏疑事天下稱聖主矣二世用其計乃不坐朝廷見大臣居禁中趙高常侍中用事事皆決於趙高高聞李斯以爲言乃見丞相曰關東羣盜多今上急益發繇治阿房宮聚狗馬無用之物臣

欲諫爲位賤此真君侯之事君何不諫李斯曰固也

急語即辭登

吾欲言之久矣今時上不坐朝廷上居深宮吾有所
言者不可傳也欲見無間趙高謂曰君誠能諫請爲
君侯上間語君於是趙高侍二世方燕樂婦女居前
可哀可哀處
身至此於廁
鼠何異

使人告丞相上方間可奏事丞相至宮門上謁如此
者三二世怒曰吾常多間日丞相不來吾方燕私丞
相輒來請事丞相豈少我哉且固我哉趙高因曰如
此殆矣夫沙丘之謀丞相與焉今陛下已立爲帝而

因瑕遂恐

情危

迹疑

犯人主最忌

急不得不上

書然誤甚誤

書安可得

言哉

丞相貴不益此其意亦望裂地而王矣且陛下不問
臣臣不敢言丞相長男李由爲三川守楚盜陳勝等
皆丞相傍縣之子以故楚盜公行過三川城守不肯
擊高聞其文書相往來未得其審故未敢以聞且丞
相居外權重於陛下二世以爲然欲案丞相恐其不
審乃使人案驗三川守與盜通狀李斯聞之是時二
世在甘泉方作轂抵優俳之觀李斯不得見因上書
言趙高之短曰臣聞之臣疑其君無不危國妾疑其
格言

斯言高短政
高所立斯短
者也所謂先
人而奪人之
心

夫無不危家。今有大臣於陛下，擅利擅害，與陛下無異。此甚不便。昔者司城子罕相宋，身行刑罰，以威行之。朞年，遂劫其君。田常爲簡公臣，爵列無敵於國，私家之富，與公家均。布惠施德，下得百姓，上得羣臣，陰取齊國，殺宰予於庭，即弑簡公於朝。遂有齊國。此天下所明知也。今高有邪佚之志，危反之行，如子罕相宋也。私家之富，若田氏之於齊也。兼行田常子罕之逾道，而劫陛下之威，信其志。若韓玘爲韓安相也。陛

文、勢、權、員

擅利

昏君必主必
自賢其臣如
此

下不圖臣恐其爲變也二世曰何哉夫高故宦人也
然不爲安肆志不以危易心潔行修善自使至此以
忠得進以信守位朕實賢之而君疑之何也且朕少
失先人無所識知不習治民而君又老恐與天下絕
矣朕非屬趙君當誰任哉且趙君爲人精廉彊力下
知人情上能適朕君其勿疑李斯曰不然夫高故賤
人也無識於理貪欲無厭求利不止列勢次主求欲
無窮臣故曰殆二世已前信趙高恐李斯殺之乃私

斯斥高數百
言如轉石高
直一二語便
如轉九下坂
大處勢異也

告趙高高曰丞相所患者獨高高已死丞相即欲爲
田常所爲於是二世曰其以李斯屬郎中令趙高案
治李斯李斯拘執束縛居囹圄中仰天而歎曰嗟乎
悲夫不道之君何可爲計哉昔者桀殺關龍逢紂殺
王子比干吳王夫差殺伍子胥此三臣者豈不忠哉
然而不免於死身死而所忠者非也今吾智不及三
子而二世之無道過於桀紂夫差吾以忠死宜矣且
二世之治豈不亂哉日者夷其兄弟而自立也殺忠

此言亦足以
死

當上督責書

時誠以此言

進豈不偷逢

比干之流亞

也與哉嗟晚

矣人忍之矣

臣而貴賤人作爲阿房之宮賦歛天下吾非不諫也
而不吾聽也凡古聖王飲食有節車噐有數宮室有
度出令造事加費而無益於民利者禁故能長久治
安今行逾於昆弟不顧其咎侵殺忠臣不思其殃大
爲宮室厚賦天下不愛其費三者已行天下不聽今
反者已有天下之半矣而心尚未寤也而以趙高爲
佐吾必見寇至咸陽麋鹿游於朝也於是二世乃使

高案丞相獄治罪責斯與子由謀反狀皆收捕宗族

曲折盡情態

賓客趙高治斯榜掠千餘不勝痛自誣服斯所以不
死者自負其辯有功實無反心幸得上書自陳幸二
○如○此○冀○望○可○謂○至○愚

老臣

世之寤而赦之李斯乃從獄中上書曰臣爲丞相治
民三十餘年矣逮秦地之狹隘先王之時秦地不過
千里兵數十萬臣盡薄材謹奉法令陰行謀臣資之
金玉使游說諸侯陰修甲兵飾政教官鬪士尊功臣
盛其爵祿故終以脅韓弱魏破燕趙夷齊楚卒兼六
國虜其王立秦爲天子罪一矣地非不廣又北逐胡

山東何故盡
反

書連翩數百
言辯甚又消
不得趙高五

貉南定百越以見秦之彊罪二矣尊大臣盛其爵位
以固其親罪三矣立社稷修宗廟以明主之賢罪四
矣更剋畫平斗斛度量文章布之天下以樹秦之名
罪五矣治馳道興游觀以見主之得意罪六矣緩刑
罰薄賦歛以遂主得衆之心萬民戴主死而不怨罪
七矣若斯之爲臣者罪足以死固久矣上幸盡其能
力乃得至今願陛下察之書上趙高使吏棄去不奏
曰囚安得上書趙高使其客十餘輩詐爲御史謁者

字便棄去即
不棄去諫說
念爭之辯豈
能奪獨行恣
睢之主之心
哉

古史置身空
閒處神氣不
動更不着語
斷制
置此一嘆於
此照管嘆倉
中鼠中蟻未
知稅駕皆深

侍中更往覆訊斯斯更以其實對輒使人復榜之後
二世使人驗斯斯以爲如前終不敢更言辭服奏當
上二世喜曰微趙君幾爲丞相所賣及二世所使案
三川之守至則項梁已擊殺之使者來會丞相下吏
趙高皆妄爲反辭二世二年七月具斯五刑論腰斬
咸陽市斯出獄與其中子俱執顧謂其中子曰吾欲
與若復牽黃犬俱出上蔡東門逐狡兔豈可得乎遂
父子相哭而夷三族李斯已死二世拜趙高爲中丞

旨至味可發
千古無窮之
感

相事無大小輒決於高高自知權重乃獻鹿謂之馬
二世問左右此乃鹿也左右皆曰馬也二世驚自以
爲惑乃召太卜令卦之太卜曰陛下春秋郊祀奉宗
廟鬼神齋戒不明故至於此可依盛德而明齋戒於
是二世乃入上林齋戒日游弋獵有行人入上林中
二世自射殺之趙高敎其女婿咸陽令閭樂劾不知
何人賊殺人移上林高乃諫二世曰天子無故賊殺
不辜人此上帝之禁也鬼神不享天且降殃當遠避

高永戒

嗟高亦豈
得獨全哉永
戒永戒

宮以禳之。二世乃出居望夷之宮。留三日。趙高詐詔衛士。令士皆素服。持兵內鄉。入告二世曰。山東羣盜兵大至。二世上觀而見之。恐懼。高即因劫令自殺。引璽而佩之。左右百官莫從。上殿。殿欲壞者三。高自知天弗與。羣臣弗許。乃召始皇弟授之璽。子嬰即位。患之。乃稱疾不聽事。與宦者韓談及其子謀殺高。高上謁請病。因召入。令韓談刺殺之。夷其三族。子嬰立三月。沛公兵從武關入。至咸陽。羣臣百官皆畔不適。子

嬰與妻子自係其頸以組降軹道旁沛公因以屬吏
項王至而斬之遂以亾天下

太史公曰李斯以閭閻歷諸侯入事秦因以瑕釁以

○根○

輔始皇卒成帝業斯爲三公可謂尊用矣斯知六藝

轉○妙

之歸不務明政以補主上之缺持爵祿之重阿順苟
合嚴威酷刑聽高邪說廢適立庶諸侯已畔斯乃欲
諫爭不亦末乎人皆以斯極忠而被五刑死察其本
乃與俗議之異不然斯之功且與周召列矣

蒙恬列傳

蒙恬者其先齊人也恬大父蒙騫自齊事秦昭王官

文 字

處

處

筋

骨

至上卿秦莊襄王元年蒙騫為秦將伐韓取成臯滎

陽作置三川隄二年蒙騫攻趙取三十七城始皇三

年蒙騫攻韓取十三城五年蒙騫攻魏取二十城作

盡文勢元下

楫

置東隄始皇七年蒙騫卒騫子曰武武子曰恬恬嘗

又 拙

書獄典文學始皇二十三年蒙武為秦裨將軍與王

翦攻楚大破之殺項燕二十四年蒙武攻楚虜楚王

北界河故以
河南立界

蒙氏亦可謂
盤根固蒂矣

蒙恬弟毅續刻始皇二十六年蒙恬因家世得爲秦將攻
齊大破之拜爲內史秦已并天下乃使蒙恬將三十
萬衆北逐戎狄收河南築長城因地形用險制塞起
臨洮至遼東延袤萬餘里於是渡河據陽山透蛇而
北暴師於外十餘年居上龍是時蒙恬威振匈奴始
皇甚尊寵蒙氏信任賢之而親近蒙毅位至上卿出
則參乘入則御前恬任外事而毅常爲內謀名爲忠
信故雖諸將相莫敢與之爭焉趙高者諸趙疏遠屬

也。趙高昆弟數人皆生隱宮，其母被刑，慘世世卑賤。秦王聞高彊力，通於獄法，舉以爲中車府令。高卽私事公子胡亥，喻之決獄。高有大罪，秦王令蒙毅法治之。毅不敢阿法，當高罪死，除其宦籍。帝以高之敦於事也，赦之，復其官爵。始皇欲游天下，道九原，直抵甘泉，乃使蒙恬通道，自九原抵甘泉，堙山堙谷，千八百里，道未就。始皇三十七年冬，行出游會稽，竝海上，北走琅瑯，道病，使蒙毅還禱山川，未反，始皇至沙丘崩。

疑有誤字

秘之羣臣莫知是時丞相李斯少子胡亥中車府令
趙高常從高雅得幸於胡亥欲立之又怨蒙毅法治
之而不爲已也因有賊心乃與丞相李斯公子胡亥
陰謀立胡亥爲太子太子已立遣使者以罪賜公子
扶蘇蒙恬死扶蘇已死蒙恬疑而復請之使者以蒙
恬屬吏更置胡亥以李斯舍人爲護軍使者還報胡
亥已聞扶蘇死即欲釋蒙恬趙高恐蒙氏復貴而用
事怨之毅還至趙高因爲胡亥忠計欲以滅蒙氏乃

胡亥二字疑當作其軍字

言曰臣聞先帝欲舉賢立太子久矣而毅諫曰不可
若知賢而愈不立則是不忠而惑主也以臣愚意若不
誅之胡亥聽而繫蒙毅於代前已囚蒙恬於陽周喪
至咸陽已葬太子立爲二世皇帝而趙高親近日夜
毀惡蒙氏求其罪過舉劾之子嬰進諫曰臣聞故趙
王遷殺其良臣李牧而用顏聚燕王喜陰用荊軻之
謀而倍秦之約齊王建殺其故世忠臣而用后勝之
議此三君者皆各以變古者失其國而殃及其身今

蒙氏秦之大臣謀士也、而主欲一旦棄去之、臣竊以爲不可、臣聞輕慮者不可以治國、獨智者不可以存君、誅殺忠臣而立無節行之人、是內使羣臣不相信、而外使鬪士之意離也、臣竊以爲不可、胡亥不聽、而遣御史曲宮乘傳之代、令蒙毅曰、先王欲立太子而卿難之、今丞相以卿爲不忠、罪及其宗、朕不忍、乃賜卿死、亦甚幸矣、卿其圖之、毅對曰、以臣不能得先王之意、則臣少宦順幸沒世、可謂知意矣、以臣不知太

子之能則太子獨從周旋天下去諸公子絕遠臣無所疑矣夫先王之舉用太子數年之積也臣乃何言之敢諫何慮之敢謀非敢飾辭以避死也爲簒篡先王之名願大夫爲慮焉使臣得死情實且夫順成全者道之所貴也刑殺者道之所卒也昔者秦穆公殺三良而死罪百里奚而非其罪也故立號曰繆昭襄王殺武安君白起楚平王殺伍奢吳王夫差殺伍子胥此四君者皆爲大失而天下非之以其君爲不明

以是籍於諸侯。故曰：用道治者，不殺無罪，而罰不加於無辜。唯大夫畱心，使者知胡亥之意，不聽蒙毅之言，遂殺之。二世又遣使者之陽周，令蒙恬曰：君之過多矣，而卿弟毅有大罪，法及內史。恬曰：自吾先人及至子孫，積功信於秦三世矣。今臣將兵三十餘萬，身雖囚繫，其勢足以倍畔。自知必死而守義者，不敢辱先人之教，以不忠先主也。昔周成王初立，未離襁褓，周公旦負王以朝，卒定天下。及成王有病，甚殆，公且

自揃其爪以沈於河曰王未有識是旦執事有罪殃
旦受其不祥乃書而藏之記府可謂信矣及王能治
國有賊臣言周公旦欲爲亂久矣王若不備必有大
事王乃大怒周公旦走而奔於楚成王觀於記府得
周公旦沈書乃流涕曰孰謂周公旦欲爲亂乎殺言
之者而反周公旦故周書曰必參而伍之今恬之宗
世無二心而事卒如此是必孽臣逾亂內陵之道也
夫成王失而復振則卒昌桀殺關龍逢紂殺王子比

綜前語作闕

記使者語變

前

秦法至酷虐

猶不暴卒人

得盡其辭殺

恬世將言猶

必稱道終去

言未遠

于而不悔，則身死國亡，臣故曰過可振而諫可覺也。
察於參伍，上聖之法也。凡臣之言，非以求免於咎也，
將以諫而成，願陛下爲萬民思從道也。使者曰：臣受
詔行法於將軍，不敢以將軍言聞於上也。蒙恬喟然
太息曰：我何罪於天，無過而成乎？良久徐曰：恬罪固
當成矣。起臨洮，屬之遼東，城塹萬餘里，此其中不能
無絕地脉哉。此乃恬之罪也，乃吞藥自殺。
太史公曰：吾適北邊，自直道歸，行觀蒙恬所爲秦築

輕民力阿主
意分絲並束

長城亭障、塹山堙谷、通直道、固輕百姓力矣。天秦之
初滅諸侯、天下之心未定、痍傷者未瘳、而恬爲名將、
不以此時彊諫、振百姓之急、養老存孤、務修衆庶之
和、而阿意興功、此其兄弟遇誅、不亦宜乎。何乃罪地
脈哉。

史記內編

卷九

史記內編卷之九終







